

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा दसासूयकखंड-निज्जुत्ति

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किंचित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्हीं के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

*** मूल आगम-मंजूषा के संपादन की किंचित् भिन्नता का स्वीकार ***

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:-

Mnui Deepratnasagar,
MangalDeep society, Opp.DholeswarMandir,
POST:- THANGADH Dist.surendranagar.
Mobile:-9825967397 jainmunideepratnasagar@gmail.com

मुनि दीपरत्नसागर



श्रीदशाश्रुतस्कंधनिर्युक्तिः - ओं नमो वीतरागाय । वंदामि भद्रबाहुं पाइणं चरिमसयलसुयनाणि । सुत्तस्स कारगमिसिं दसासु कप्पे य ववहारे ॥१॥ आउविवागज्झयणाणि भावओ
 दव्वओ अवत्थदसा । दस आउविवागदसा वाससयाउं दसह छेत्ता ॥२॥ बाला मंदा किंश बला य पण्णा य हायणि पवंचा । पब्भार मुम्मुहि सयणा नामेहि य लक्खणेहिं दसा ॥३॥ दस आ-
 उविवागदसा नामेहि य लक्खणेहिं एहिंति । दस अज्झयणदसा दस अहक्कमं कित्तइस्सामि ॥४॥ डहरीओ उ इमाओ अज्झयणेसु महई उ अंगेसु । छसु मायाऽऽदीएसुं वत्थविभूसावसाणंमि
 ॥५॥ डहरीओ उ इमाओ निज्जूढाओ अणुग्गहट्टाए । थेरेहिं तु दसाओ जो दसाजाणओ जीवो ॥६॥ असमाहिय १ सवलत्तं २ अणसायण ३ गणिगुणा ४ मणसमाही ५ । सावग ६ भिक्खूप-
 ढिमा ७ कप्पो ८ मोहा ९ नियाणं १० च ॥७॥ (एवं) दसाण पिंडत्थु एसो भे वणिणओ समासेणं । एत्तो एक्केक्कं पि य अज्झयणं कित्तइस्सामि ॥८॥ दव्वं जेण व दव्वेण समाही आहियं च जं दव्वं ।
 भावो सुसमाहितया जीवस्स पसत्थजोगेहिं ॥९॥ नामं ठवणा दव्विए खेत्तद्धा उड्ढ उवरई वसही । संजम पग्गह जोहे अचल गणण संघणा भावे ॥१०॥ वीसंति णवरि णेमं अइरेगाइं तु लेहि
 सरिसाइं । नायव्वं एएसु य अन्नेसु य एवमाईसु ॥११॥ असमाहिठाणनिज्जुत्ती समत्ता १ । दव्वं चित्तल्लोणाइएसु भावसबलो खुतायारो । वतिकमअइक्कमेसुं तिपयारे भावसबलो उ ॥१२॥
 अवराहम्मि य पयणुए जेण उ मूलं न वच्चए साहू । सबलेइ तं चरित्तं तम्हा सबलत्तणं बिंति ॥१३॥ वाले राई दाली खंडो वडि खुते अ भिन्ने य । कम्मग सपट्ट सबले सव्वावि विराहणा भणिआ
 ॥१४॥ सबलनिज्जुत्ती २ ॥ आसायणा उ दुविहा मिच्छापडिवज्जणा य लाभे अ । लाभे छक्कं तं पुण इट्टमणिट्ठं दुहेक्केक्कं ॥१५॥ साहू तेणे उग्गह कन्तार विआल विसममुहवाही । जे लट्ठा ते
 ताणं भणंति आसायणा उ जगे ॥१६॥ दव्वं माणुम्माणं हीणऽहिअं जंमि खेत्ति जं कालं । एमेव छविहंमी भावे पगयं तु भावेण ॥१७॥ छट्टट्टमपुव्वेसुं आउवसग्गोत्ति सब्बजुत्तिकओ । पयअ-
 त्थविसोहिकरो दित्ते आसायणा तम्हा ॥१८॥ मिच्छापडिवत्तीए जे भावा जत्थ होंति सन्भूआ । तेसिं तु तद्दाऽपडिवज्जणाएँ आसायणा तम्हा ॥१९॥ न करेइ दुक्खमोक्खं उज्जममाणोवि
 १२५० श्री दशाश्रुतस्कंध निर्युक्ति

मुनि दीपरत्नसागर

संजमतवेसु । तम्हा अत्तुकरिसो वज्जेअबो पयत्तेणं ॥ २० ॥ जाणि भणिआणि सुत्ते ताणि जो कुणइ अकारणजाए । सो खलु भारियकम्मो न गणेइं गुरुं गुरुट्टाणे ॥ २१ ॥ दंसणनाणचरित्तं तवो य विणओ अ हुंति गुरुमूले । विणओ गुरुमूलेत्ति अ गुरुहिं आसायणा तम्हा ॥ २२ ॥ जाइं भणियाइं सुत्ते ताइं जो कुणइ कारणजाए । सो न हु भारियकम्मो तु गणेइं गुरु गुरुट्टाणे ॥ २३ ॥ सो गुरुमासायंतो दंसणणाणचरणेसु सयमेव । सीयति कत्तो आराहणासु ? तो ताणि वज्जेजा ॥ २४ ॥ आसायणानिज्जुत्ती ३ ॥ दवं सरीरभविओ भावगणी गुणसमन्निओ दुविहो । गण-संगहुवग्गहकारओ अ धम्मं च जाणंतो ॥ २५ ॥ नायं गणिअं गुणिअं गयं च एगट्ट एवमाईअं । नाणी गणित्ति तम्हा धम्मस्स विआणओ भणिओ ॥ २६ ॥ आयारम्मि अहीए जं नाओ होइ समणधम्मो उ । तम्हा आयारधरो भणइ पढमं गणिट्टाणं ॥ २७ ॥ गणसंगहुवग्गहकारओ गणी जो पहु गणधरो उ । तेण णओ छकं संपयाए पययं च रुत्तत्थं ॥ २८ ॥ दवे भावे य सरीर-संपया छबिहा य भावमि । दवे खेत्ते काले भावम्मि अ संगहपरिण्णा ॥ २९ ॥ जह गयकुलसंभूओ गिरिकंदरकडगविसमदुग्गेसु । परिवहइ अपरितंतो निअयसरीरुग्गए दंते ॥ ३० ॥ तह पवयणभत्तिगओ साहम्मियवच्छलो असट्भावो । परिवहइ असहुवग्गं खेत्तविसमकालदुग्गेसु ॥ ३१ ॥ गणिनिज्जुत्ती ४ ॥ नामं ठवणा चित्तं दवे भावे अ होइ बोद्धवं । एमेव समाहीए निक्खेवो चउविहो होइ ॥ ३२ ॥ जीवो उ दवचित्तं जेहिं व दवेहिं जंमि वा दवे । नाणादिसु सुसमाही धुवजोगी भावओ चित्तं ॥ ३३ ॥ दवं जेण व दवेण समाही आवितं च जं दवं । भावे समाहि चउ-विह दंसण नाणे तव चरित्ते ॥ ३४ ॥ भावसमाही चित्ते ठिअस्स ठाणा इमे विसिद्धतरा । होइ जतो पुण चित्ते चित्तसमाहीए जइअवं ॥ ३५ ॥ चित्तसमाहिठाणनिज्जुत्ती ५ ॥ दव तदट्ठोवासक मोहे भावे उवासका चउरो । दवं सरीरभविओ तदट्ठिओ आवणाईसु ॥ ३६ ॥ कुप्पवयणं कुधम्मं हुवासए मोहुवासको सो उ । हंदि तहिं सो सेयंति मण्णति सेयं तु नत्थि तहिं ॥ ३७ ॥ भावे उ सम्मदिट्ठी संममणो जं उवासए समणे । तेण सि गोणं नामं उवासगो सावगो वेत्ति ॥ ३८ ॥ कामं दुवालसंगं पवयणमणगारऽगारधम्मो अ । ते केवल्लिहिं पसूआ पउवसग्गो पसूअंति ॥ ३९ ॥ तो ते सावग तम्हा उवासगा तेसु होंति भत्तिगया । अविसेसंमि विसेसो समणेसु पहाणया भणिया ॥ ४० ॥ कामं तु निरवसेसं सवं जो कुणइ तेण होइ कयं । तंमि ट्ठिता उ समणा तोवासग सावगा गिहिणो ॥ ४१ ॥ दवंमि सचित्तादी संजमपडिमा तहेव जिणपडिमा । भावो संताण गुणाण धारणा जा जहिं भणिआ ॥ ४२ ॥ सा दुविहा छब्बिगुणा भिक्खूण उवासगाण एगूणा । उवारिं भणि-या भिक्खूणुवासगाणं तु वोच्छामि ॥ ४३ ॥ तत्थऽहिगारो तु सुहं नातुं आइक्खिउं च गिहिधम्मं । साहूणं चिय तवसंजमंमि संवेगकरणाणि ॥ ४४ ॥ जइ ता गिहिणोऽविय उज्जमंति नणु साहुणावि कायव्वं । सब्बत्थामो तवसंजमंमि इअ सुट्ठु नाऊणं ॥ ४५ ॥ दंसण १ वय २ सामाइय ३ पोसह ४ पडिमा ५ अबंभ ६ सच्चित्ते ७ । आरंभ ८ पेस ९ उद्विट्ठवज्ज १० समणभूए ११ अ ॥ ४६ ॥ उवासगप-डिमानिज्जुत्ती ६ । भिक्खूणं उवहाणे पगयं तत्थ व हवंति निक्खेवो । तिन्नि य पुब्बुद्धिटा पगयं पुण भिक्खुपडिमाए ॥ ४७ ॥ समाहि उवहाणे या, विवेग पडिमा इय । पडिसंलीणा य तहा, एग-विहारे अ पंचमिआ ॥ ४८ ॥ आयारे बायाला पडिमा सोलस य वन्निआ ठाणे । चत्तारि अ ववहारे मोए दो चंदपडिमाउ ॥ ४९ ॥ एवं तु सुअसमाही पडिमा बावट्ठिया य पंचऽन्ना । सामाइ-अमाईआ चारित्तसमाहिपडिमाउ ॥ ५० ॥ भिक्खूणं उवहाणे उवासगाणं च वन्निया सुत्ते । गणकोवाइविवेगो सब्बिभतरबाहिरो दुविहो ॥ ५१ ॥ सोइंदिअमादीआ पडिसंलीणा चउत्थिआ दु-विहा । अट्ठगुणसमग्गस्सा एगविहारिस्स पंचमिआ ॥ ५२ ॥ ददसम्मत्तचरित्ते मेधाविबहुस्सुए य अयले य । अरइरइसहे दविए खंता भयभेरवाणं च ॥ ५३ ॥ परिजिअकालामंतणखामण तव संजमे अ संघयणे । भत्तोवहिनिक्खेवे आवण्णे लाभ गमणे य ॥ ५४ ॥ भिक्खुपडिमानिज्जुत्ती ७ । पज्जोसवणाए अक्खराइं होंति उ इमाइं गोच्चाइं । परियाय ववत्थवणा पज्जोसवणाइ पागइया ॥ ५५ ॥ परिवसणा पज्जुसणा पज्जोसवणा य वासवासो य । पढमसमोसरणंति य ठवणा जेट्ठोग्गहेगट्ठा ॥ ५६ ॥ ठवणाए निक्खेवो छको दवं च दवनिक्खेवो । खेत्तं तु जम्मि खेत्ते काले कालो जहिं जो उ ॥ ५७ ॥ ओदइयाईयाणं भावाणं जा जहिं भवे ठवणा । भावेण जेण य पुणो ठविज्जए भावठवणा उ ॥ ५८ ॥ सामित्ते करणम्मि य अहिगरणे चेव होंति छब्भेयं । एगत्तपुहुत्तेहिं दवे खेत्तऽद्वभावे य ॥ ५९ ॥ काले समयाई उ पगयं समयंमि तं परूविसं । निक्खमणे य पवेसे पाउस सरए य वोच्छामि ॥ ६० ॥ ऊणाइरित्तमासे अट्ठ विहरिऊण गिम्हहेमंते । एगाहं पंचाहं मासं च जहा समाहीए ॥ ६१ ॥ काऊण मासकप्पं तत्थेव उवागयाण ऊणाते । चिक्खल्लावासरोहेण वावि तेणऽट्ठिया ऊणा ॥ ६२ ॥ वासाखेत्तालंभे अट्ठाणाईसु पत्तमहिगा उ । मावगवाघाएण व अपटिक्कमिउं जइ वयंति ॥ ६३ ॥ पडिमापडिवन्नाणं एगाहं पंच होंतऽहालंदे । जिणसुद्धाणं मासो निक्कारणओ य थेराणं ॥ ६४ ॥ ऊणाइरित्तमासा एवं थेराण अट्ठ नायवा । इयरे अट्ठ विहरिय नियमा चत्तारि अच्छंति ॥ ६५ ॥ आसाढपुन्निमाए वासावासंमि होति ठायवं । मग्गसिरबहुलदसमी उ जाव एगंमि खेत्तंमि ॥ ६६ ॥ चिक्खल्ल १ पाण २ थंडिल्ल ३ वसही ४ गोरस ५ जणाउले ६ विज्जे ७ । ओसह ८ निचया ९ हिवाई १० पासंडा ११ भिक्ख १२ सज्झाए १३ ॥ ६७ ॥ बाहि ठिआ वसमेहिं खेत्तं गाहित्तु वासपाउग्गं । कप्पं कहेत्तु ठवणा सावणमुद्धस्स पंचाहे ॥ ६८ ॥ एत्थ य अणभिग्गहिअं वीसइराइं सवीसतीमासं । तेण परमभिग्गहिअं गिहिणातं कत्तिओ जाव ॥ ६९ ॥ असिवाइकारणेहिं अहवा वासं न सुट्ठु आरद्धं । अहिवइठिअंमि वीसा इयरेसु सवीसई मासो ॥ ७० ॥

॥७०॥ एत्थ तु पणगं पणगं कारणिअं जाव वीसतीमासो । सुद्धदसमीठिआण व आसादीपुण्णिमोसरणं ॥७१॥ इय सत्तरी जहन्ना असीति नउती दसुत्तरसयं च । जइ वासइ मग्गसिरे दस राया तिन्नि उक्कोसा ॥७२॥ काइअभूमी संथारए य संसत्त दुल्लहे भिक्खे । एएहिं कारणेहिं अप्पत्ते होइ निग्गमणं ॥७३॥ काऊण मासकप्पं तत्थेव ठिआण जाव मग्गसिरो । सालंबणाण छम्मासुग्गह जेट्ठोग्गहो होइ ॥७४॥ उभओ उ अद्धजोअण अद्धं कोसं च तं हवइ खेत्तं । होइ सकोसं जोअण मोत्तूणं कारणज्जाए ॥७५॥ उद्धमहे तिरियम्मि अ सकोसयं होइ सव्वओ खेत्तं । इंदपयमाइएसुं छदिसि सेसेसु चउ पंच ॥७६॥ तिन्नि दुवे एगा वा वाघाएणं दिसा हवइ खेत्तं । उज्जाणाउ परेणं छिन्नमडंबं तु अक्खित्तं ॥७७॥ दगघट्ट तिन्नि सत्त व उडुवासासु न हणंति तं खेत्तं । चउरट्टाइ हणंती जंघुद्धेक्कोऽवि उ परेणं ॥७८॥ दव्वट्टवणाऽऽहारे विगई संथार मत्तए लोए । सच्चित्ते अच्चित्ते वोसिरणं गहणधरणादी ॥७९॥ पुट्टाहारोसमणं जोगविवड्ढीए सत्तिओ गहणं । संचतियअसंच-
 तिए य दव्वविवड्ढी पसत्था उ ॥ ८० ॥ विगतिं विगतिभीओ विगइगयं जो उ गिण्हए भिक्खू । विगई विगइसहावा विगई विगई बला नेइ ॥ ८१ ॥ पसत्थविगईगहणं गरहिय विगतिग्गहो अ कज्जंमि । गरहा लाभ पमाणे पच्चय पावप्पडीघाओ ॥ ८२ ॥ कारण उडुगहिए उज्झिऊण गिण्हंति ओअपरिवाडी । दाउं गुरुस्स तिन्नि उ सेसा गिण्हंति एक्केकं ॥ ८३ ॥ उच्चार पासवण खेल मत्तए तिन्नि तिण्णि गिण्हंति । संजमआएसाए भुंजेज्ज व सेसमुज्झंति ॥ ८४ ॥ धुवल्लोओ य जिणाणं निच्चं थेराण वासवासासु । असहू गिलाणगस्स व नातिकमिज्ज तं रयणिं ॥ ८५ ॥ मो तुं पुराणभावियसद्धे सच्चित्त सेस पडिसेहो । मा निदओ भविस्सइ भोअणमोए अ उड्डाहो ॥ ८६ ॥ इरिएसणभासाणं मणवयसा कारिए य दुच्चरिए । अहिगरण कसायाणं संवच्छरिए विओसमणं ॥ ८७ ॥ कामं तु सव्वकालं पंचसु समितीसु होइ जइयव्वं । वासासुं अहिगारो बहुपाणा मेइणी जेण ॥ ८८ ॥ भासण संपाइवहो दुब्बेओ मोहछेउ ततिआए । इरिअचरिमासु दोसु अ अपेहअपमज्जमाणानं ॥ ८९ ॥ मणवयणकायगुत्तो दुच्चरियाइं व खिप्पमालोए । अहिगरणे अ दुरूवग पज्जोए चेव दमए य ॥ ९० ॥ एगबइल्ला गद्दी पासह तुम्हे विसन्न खलहाणे । हरणे झामण भाणग घोसणया सल्लजुद्धेसु ॥ ९१ ॥ अप्पिण्ह तं बइल्लं दुरूवगा तस्स कुंभकारस्स । मा भे दहिही गामं अन्नाणिवि सत्त वासाणि ॥ ९२ ॥ चंपा कुमारनंदी पंचत्थिय थेर णयण दुमवलए । बहि पासणया सावग इंगिणिउववाय णं-
 दिवरे ॥ ९३ ॥ बोहण पडिमादायण पभाव उप्पाय देवया अदो । मरणुववाए तावस णयणं तह भेसणं समणा ॥ ९४ ॥ गंधारगिरी देवय पडिमा गुलिया गिलाण पडियरणं । पज्जोअहरण पुक्खरकरणं गहणा ण मे समणा ॥ ९५ ॥ दासो दासीवतिओ छत्तट्ठी जो घरे अवत्थव्वो । आणं कोवेमाणो हंतव्वो बंधिअव्वो अ ॥ ९६ ॥ खद्धादाणियगेहे पायस दट्ठूण चेडरूवाइं । पियरोभासण खीरे जाइय वद्धेण सेणा उ ॥ ९७ ॥ पायसहरणं छेत्ता पच्चागय दममसिअए सीसं । भाऊपेसण थीखिंसणा य सरणागए जत्थ ॥ ९८ ॥ वाओदएण राई नासइ कालेण सिगयपुढवीणं । नासइ दगस्स राई पव्वयराती उ जा सेलं ॥ ९९ ॥ उदयसरिच्छा पक्खेणऽवेति चउमासिएण सिगयसमा । वरिसेण पुढविराई आमरण गती अ पडिलोमा ॥ १०० ॥ सेलट्ठिथंमदारुअ लया य वंसी अ मिंढगोमुत्ता । अवलेहणिआ किमिरागकद्धमकुसुंभयहलिदा ॥ १०१ ॥ एमेव थंभकेयणवत्थेसु परूवणा गतीओ अ । मरु अच्चंकारिअ पंडरज्जा मंगू अ आहरणा ॥ १०२ ॥ अवहंतगोण मरुए चउण्ह वप्पाण उक्करो उवरिं । छोटुं मए सुवट्टा अइकोवण देसु पच्छित्तं ॥ १०३ ॥ वाणिधूअच्चंकारिअ भदा अट्टसुअमग्गओ जाया । वरग पडिसेह सचिवो अणुअंतिहं पयाणं च ॥ १०४ ॥ निवचित्त विआल पडिच्छणा य दाणं न देति निवकहणं । खिंसा निसि निग्गमणं चोरा सेणावई गहणं ॥ १०५ ॥ निव्वत्त जलूग वेज्जग गहणं तंपिअ अणिच्छमाणी उ । गिण्हावेइ जलूगा धणभाउग कहण मोअणया ॥ १०६ ॥ सयगुणसहस्सपायं वणभेसज्जं जइस्स जायणया । तिक्खुत्त दासि भिक्खू न य कोवो सयपयाणं च ॥ १०७ ॥ पासत्थि पंडरज्जा परिन्न गुरुमूल माय अभिओगा । पुच्छइ अपडिक्कमणे पुव्वभासा चउत्थम्मि ॥ १०८ ॥ अपडिक्कम सोधम्मो अभिओगा देवि सक्क ओसरणं । हत्थिणि वाउनिसग्गे गोअमपुच्छा य वाकरणं ॥ १०९ ॥ महुरा मंगू आगम बहुसुय वेरग्गि सट्ठ-
 पूया य । सातादिलोभ नितिए मरणे जीहा य निद्धमणे ॥ ११० ॥ अब्भुवगत गतवइरे णाओ गणिणावि मा हु अहिगरणं । कुज्जा हु विकसाए वा अगट्ठितफलं च सिस्सा उ ॥ १११ ॥ पच्छित्ते बहुपाणा कालो बलिओ चिरं च ठायव्वं । सज्झाय संजमतवे धणिअं अप्पा निउत्तव्वो ॥ ११२ ॥ पुरिमचरिमाण कप्पो उ मंगलं वद्धमाणतित्थंमि । तो परिकहिया जिणपरिकहा य थेरावल्लि वोच्छं ॥ ११३ ॥ सुत्ते जहानिबद्धं वग्घारियभत्तपाणअग्गहणं । नाणट्ठितवस्सीअणहिआसि वग्घारिए गहणं ॥ ११४ ॥ संजमखेत्तसुआणं नाणट्ठितवस्सिअणहियासाणं । आसज्ज भिक्खकालं उत्तर-
 करणेण जइयव्वं ॥ ११५ ॥ उन्नियवासाकप्पो लाउयपायं च लब्भए जत्थ । सज्झाएसण सोही वासतिकाले य तं खित्तं ॥ ११६ ॥ पुव्वाधीतं नासति नवं च छाओ न पच्चलो धित्तुं । खमगस्स व पारणए वरसति असहू अ बालादी ॥ ११७ ॥ बाले सुत्ते सूई कुडसीसग छत्तए य पंचमए । नाणट्ठितवस्सिअणहिआसि अह उत्तरविसेसो ॥ ११८ ॥ पज्जोसवणाकप्पस्स निज्जुत्ती ८ ॥ नामंठवणामोहो दव्वे भावे य होति बोद्धव्वो । ठाणं पुव्वुद्धिट्ठं पगयं पुण भावठाणेणं ॥ ११९ ॥ सव्वं सच्चित्ताती सयणधणादी दुहा हवइ मोहो । ओघेण गायपडिणी अणेगपगडी भवे मोहो ॥ १२० ॥ अट्ठविहं-
 पिय कम्मं भणिअं मोहोत्ति जं समासेणं । सो पुव्वगए भणिओ तस्स य एगट्ठिआ इणमो ॥ १२१ ॥ पावे वज्जे वेरे पणगे पंके खुहे असाए य । संगे सल्ले अरए निरए धुत्ते अ एगट्ठा ॥ १२२ ॥

कम्मे य किलेसे या समुदाणे खलु तहा समाइण्णो । उप्पाए अ दुपक्खे लुक्खे तह संपराए य ॥ १२३ ॥ अमुते दुह पुण बंधो दुम्मोए खलु चिरट्ठितीए य । घणचिक्कणनिव्वेआ मोहे य तहा महामोहे ॥ १२४ ॥ कहिया जिणेहिं लोगा पगासिआ भारिया इमे बंधा । साहुगुरुमित्तबंधवसेट्ठीसेणावइवधेसु ॥ १२५ ॥ एत्तो गुरुआसायण जिणवयणविलोवणो सुपडिबद्धं । असुहे दुहाणु-
 बंधीति तेण तो ताइं वज्जेजा ॥ १२६ ॥ मोहणिज्जस्स निज्जुत्तीए ॥ १२७ ॥ णामंठवणाजाई दव्वे भावे य होइ बोद्धवा । ठाणं पुबुद्धिदं पगयं पुण भावठाणेणं ॥ १२८ ॥ दव्वे दव्वसभावो भावे अणुभवण ओहतो दुविहो । अणुभवणा छव्विहा ओहओ उ संसारिओ जीवो ॥ १२९ ॥ जाती आजाती या पच्चाजाती य होइ बोद्धवा । जाती संसारत्था आजाती जम्ममन्नयरं ॥ १३० ॥ इत्तो चुओ भवाओ तत्थेव पुणोवि जह हवति जम्मं । सा पच्चायातित्ति य मणुस्सतेरिच्छिण होइ ॥ १३१ ॥ कामं असंजयस्सा नत्थि हु मोक्खे धुवमेव आयाई । केण विससेण पुणो पावइ समणो अणायाइं ? ॥ १३२ ॥ मूलगुण उत्तरगुणे अप्पडिसेवी इहं अपडिबद्धो । भत्तोवहिसयणासणविवित्तसेवी सया पयओ ॥ १३३ ॥ तित्थंकरगुरुसाहूसु भत्तिमं हत्थपायसंलीणो । पंचसमिओऽकलहझंझपिसुणओ हारविरओ अ ॥ १३४ ॥ पाएण एरिसो सिज्झइत्ति कोइ पुणो आगमेसाए । केण हु दोसेण पुणो पावइ समणोऽवि आयाइं ? ॥ १३५ ॥ जाणि भणिआणि सुत्ते तहागएसुं तहा निदाणाणि । संदाण निदाणंति य पच्चाति य होति एगट्ठा ॥ १३६ ॥ दव्वप्पओगवीससप्पओगसं मूलउत्तरे चेव । मूलसरीरसरीरी साती य अणातिए चेव ॥ १३७ ॥ णिगलादि उत्तरो वीससा उ साइअमणादिओ चेव । खित्तंभि जंमि खेत्ते काले कालो जहिं जाओ ॥ १३८ ॥ भावे कसायबंधो अहिगारो बहुविहेसु अत्थेसु । इहलोगपारलोगिअ पगयं परलोगिए बंधे ॥ १३९ ॥ दुविहो अ भावबंधो जीवमजीवे अ होइ बोद्धवो । एक्केक्कोऽविय तिविहो विवागअविवागतदुभगगो ॥ १४० ॥ पावइ धुवमायातिं नियाणदोसेण उज्जमंतोऽवि । विणिवायंपिय पावइ तम्हा अणियाणआ सेआ ॥ १४१ ॥ अप्पासत्थाए अकुरूसालयाए अकसाय अप्पमाए अ । अणिदाययाइ साहू संसारमहन्नवं तरइ ॥ १४२ ॥ इति समाप्ता श्रीश्रुतकेवलिभगवद्भद्रबाहुस्वामिविरचिता श्रीदशाश्रुतस्कंधनिर्युक्तिः निर्ग्रन्थगच्छ-
 क्रमायातश्रीमत्तपोगच्छीयश्रीमत्सागरानन्दसूरिसंशोधिता, उत्कारिता चैयं श्रीसिद्धक्षेत्रश्रीपर्यमाणजैनागममंदिरान्तरशेषागमोत्किरणस्यादौ श्रीवीरनिर्वाणतः २४६७ वर्षे अक्षयतृतीयायां ॥